

駁  
四  
書  
改  
錯

駿毛西河四書改錯卷十一

婺源戴大昌

故事類

公山弗擾以費畔

集注弗擾季氏宰與陽虎共執桓子據邑以畔

毛氏曰陽虎執桓子在定公五年若據邑以畔則在定十二年時夫子已爲司寇使墮三都何可謬解至此蓋定公五年貨執桓子弗擾雖未共事然逐仲梁懷實弗擾使之是以費宰而謀背君主卽是畔時孔子未仕因而召之乃朱注云據邑以畔則兩時兩事俱不合矣須知此畔字是謀逆非稱兵也。

大昌按毛氏謂定公十二年公山據邑以畔。時孔子已爲司寇。惟定公五年與陽虎共執桓子。而召孔子。兩時兩事。不可混謬。然其時虎逐仲梁懷而執桓子。實弗擾使之。毛氏亦解作弗擾以費宰而謀背君主。卽是畔。此卽指定公五年事也。何得又議朱注據邑以畔爲謬乎。毛氏謂此畔字是謀逆。非稱兵。然則謀逆不得言畔乎。毛氏議朱子改孔安國原注而召孔子四字爲據。邑以畔。然則論語本文以費畔三字亦將刪之乎。

三桓之子孫

集注三桓三家皆桓公之後

毛氏曰上支政達大夫專指季氏此以三家統承之則季氏專政而兩家同受禍。非恒情矣。不知此三桓仍指季氏古立宗法有大宗小宗莊公之同母弟季友則宗卿也。仲叔二家何敢與宗卿比。故凡稱三桓多指桓族大宗言則三桓雖通稱而專有所屬安得以三家統承之。

大昌按魯三桓專政固季氏爲主。然一爲司徒。一爲司馬。一爲司空。未嘗不聲勢相倚。如襄公時作三軍則三卿分將。未幾舍中軍則季將左師。孟將右師。叔孫亦自爲軍。至季氏逐昭公則叔孫昭子適如闕。其家臣驪戾實與孟孫共助季氏。

而伐公徒。且夫子請哀公討陳恒。公亦曰。告夫三子。其後三桓一同式微。聖人之言。未嘗不驗。况朱注三桓三家。皆桓公之後。注家義當如此。毛氏何得謂此三桓專指季氏。而議朱注之錯乎。

佛肸召

集注子欲往者以天下無不可變之人無不可爲之事也終不往者知其人終不可變事終不

耳可爲

毛氏曰。旣曰天下無不可變之人。又云知其終不可變。大不可解。讀書須識事。此當就夫子本事推原其情。佛肸之畔。惟史記有云。佛肸爲中牟宰。趙簡子攻范中行伐中牟。佛肸畔。

蓋當夫子仕魯時。魯定公與齊景衛靈同謀叛晉。與趙鞅爲難。非一日矣。及趙鞅與范中行相攻。而齊魯衛三國又共助范與中行。此三國已事。亦夫子已事也。今夫子去魯而趙氏家臣反從范氏。中行氏而畔趙氏。此一變端。尤有心斯世所拂衣而起者。而惜乎以暴易暴。終不可往。此夫子至情。亦其實事。豈可讀其書而漫不察也。

大昌按夫子欲往應公山佛肸之召。不過志欲行道。偶然動念。迫子路來問。亦但隨口應答。猶之夫子因道不行。欲居九夷。亦是偶然動念。迫或人來問。亦但答曰。君子居之何陋之

有其實欲往者卒未嘗往。欲居者卒未嘗居。固無庸認真解  
說也。若夫子仕魯爲時。僅及三月。如溝合昭公之墓。相夾谷  
之會。墮三都。正祭器。諸大節。及家語所載斷訟數事。若誅少  
正卯。則亦未可信者。今毛氏乃謂夫子仕魯與齊衛同謀叛。  
晉與趙鞅爲難。因與齊衛共助范中行。此乃夫子已事。噫。此  
豈夫子所爲乎。又謂夫子既去魯。適佛肸畔。趙氏而從范中  
行氏。有此變端。尤有心人所當拂衣而起。以釋子欲往之意。  
反以此自命爲讀書論世耶。

夫子爲衛君乎

集注靈公遜其世子蒯聵。公薨而國人  
立蒯聵之子輒。于是晉納蒯聵而輒拒。

之

毛氏曰魯哀元年。衛靈合齊魯三國伐晉。而靈公適死。于是趙鞅借納蒯聵。以潛師伐喪。且擊鄭師之援朝歌者。而蒯亦執戈從事其間。是以讎師襲國。暴伐父屍。衛人縱不爲衛君。亦當爲衛。并爲衛先君。此時夫子在衛。亦孰不疑其爲衛君。爲之謂助之。卽拒之也。乃輒金不一拒。自哀二年蒯聵入于戚。至三年齊景遣師圍戚。然後衛亦遣師隨之。然且留蒯于戚。以致有孔悝之變。是輒始終不拒父也。輒所歎者。爲叔齊耳。觀春秋經大書齊國夏衛石曼姑帥師圍戚。而不及衛君。



則夫子之意豈難見乎。

大昌按晉納蒯瞶衛之臣民以晉是衛之讐則蒯瞶是衛之賊拒晉則不得不拒蒯瞶拒蒯瞶則不得不爲衛君蓋託于社稷爲重之說耳不知衛人可以拒蒯瞶輒必不可以拒父譬如暫瞽殺人臯陶可以執法舜惟有竊負而逃故使輒能如夷齊計惟有逃而去之已矣乃自哀二年晉納蒯瞶于戚至哀十五年始有孔悝之變輒乃出奔悝因立蒯瞶爲莊公相持至十數年之久而毛氏猶謂其不拒父乎又謂輒所歎者爲叔齊耳夫不能爲叔齊是卽與父爭國矣爭非拒乎毛

氏又引經大書齊國夏衛石曼姑帥師圍戚而不及衛君以爲夫子若不罪衛君者夫圍戚之師輒本未親往安得書衛君乎且問石曼姑圍戚誰實使之往乎况其後莊公出奔爲我州人所弑而輒則倚齊復入爲衛侯迨再出奔又倚越欲入衛而不克正所謂父死而又因之以爲利者也毛氏津津回護衛輒爲始終不拒父毛氏此編噫是但務攻朱注而不

知其得罪名教矣

子在回何敢死

死謂赴門而死也夫子不幸遇難回必捐生以赴之否必告天子方伯請討以

復讐夫子而在回何爲不愛其死以犯匡人之鋒乎

毛氏曰顏淵何以門頭觸乎。麾以肱乎。况此有必不可門。必不可死者。此章專主畏字。畏者惟恐死也。故曰吾以女爲死。慮之亦幸之也。曰子在。知子不死也。回何敢死。回不死也。大昌按集注何敢死。謂不赴門而死也。至胡氏謂夫子不幸遇難。回必捐生以赴之。乃設言一層。其末言夫子而在。回何爲不愛其死。以犯匡人之鋒。蓋仍是朱注之說。亦卽毛氏回不死也之解。何以改爲。

傷廉傷惠傷勇

林氏曰公西華受五秉之粟是傷廉也。冉子與之是傷惠也。子路之死于衛是

傷勇也。

毛氏曰子華使齊說已見前。今又堅持已說以罪之。冉有已耳。子華不曾受五秉而坐以無妄。若夫子在衛未嘗禁子路之入仕。及其死而且哀哭之。而宋人必以爲聖門罪。此何說焉。

大昌按夫子以繼富曉冉有則傷惠明矣。子路死事而子羔不死。未有以子羔爲非者。則知可以死可以無死矣。若五秉之取亦連類舉似耳。林氏豈不知子華使齊未歸。第婦人從男觀者自可意會。毛氏何用執滯。

子路無宿諾

集注宿留也猶宿怨之宿急于踐言不留其諾也

毛氏曰不宿諾。集解作不豫諾。謂不先許也。正所謂然諾不  
苟者。急則輕諾矣。若謂急于踐言。亦何容急。久要謂何如以  
不宿怨爲証。則不宿怨者。消怨也。消諾可乎。

大昌按舊解釋無宿諾爲不豫諾。毛氏復申其義爲不輕諾。  
不知此皆於宿字不切。所謂無宿諾者。如曲禮凡爲君使者。  
已受命。君言不宿于家。鄭注急君使也。孔疏謂受君言宜急  
去。不得停留宿于家也。蓋記者此語。猶之記子路有聞。未之  
能行。惟恐有聞。所以形容子路之急迫也。朱注釋爲急于踐  
言。不留其諾。自勝舊解。毛氏乃謂踐言亦何容急。則強詞而

不合于情理矣。又謂宿猶消也。消諾可乎。夫消諾則是已踐其諾。曷爲不可。

西喪地于秦七百里

集注惠王十七年秦取我少梁後魏又數獻地于秦

南辱于楚

集注又與楚將昭陽戰敗亡其七邑

毛氏曰。魏世家惠王十七年與秦戰元里。秦取我少梁。是矣。若商君傳。魏割河西地以和。是割地非獻地也。乃云後又數獻地于秦。考魏惟襄王五年獻秦以河西之地。七年又獻上郡地。至昭王六年又獻河東之地四百里。是皆在惠王身後。則于及寡人之身將何解。

又注南辱于楚。謂與楚將昭陽戰。則更可怪者。考昭陽攻魏。在梁襄十二年。卽楚世家云懷王六年。使昭陽攻魏。破之于襄陽。得八邑。則亦非惠王時事。且楚得八邑。而注但言亡其七邑。一錯再錯。竟至如是。

大昌按毛氏說此二條。亦知其一。未知其二也。蓋據史記

六國

表魏世家

金云惠王在位三十六年而卒。追襄王五年與秦河西

之地七年。魏盡入上郡于秦。秦降我蒲陽。十三年秦又取我曲沃平周方爲喪地于秦七百里。又楚懷王六年。昭陽攻魏。破襄陵。亦在襄王十二年。固皆與惠王所言不合矣。但據竹

書紀年所載。則史記稱襄王在位十六年者。皆仍屬之惠王。以史記襄王之元年。丁亥另爲惠王改元之一年。而惠王在位共五十有二載。迨惠王卒。次年癸卯稱今王元年者。杜預以爲哀王固無所謂襄王也。攷世本則又有襄王而無哀王。二書俱與史記異。溫公通鑑則從竹書紀年。惠王中間改元之說。共在位五十二年。惠王沒。則爲襄王在位二十三年。而從世本削去哀王也。江氏慎修。古人典林。亦主惠王改元。謂魏實無哀王。襄與哀字相似而誤耳。據此諸說。則史記所稱襄王在位時數。獻地于秦。及與楚將昭陽戰敗。皆爲惠王改元。以



後及身之事。則朱注固無錯矣。今若以紀年爲不可信。則此書自三家分晉後。專紀魏事。似不應有誤。且惠王原因是年與諸侯會徐州。以相稱王。故另改元。若史記以襄王元年爲相會稱王。則惠王及身未有是舉。曷亦僭稱王乎。朱注但言後又數獻地于秦。至南辱于楚。古注疏俱無解。故舉與昭陽戰敗事當之。蓋亦隱用紀年。惠王改元之說。而未敢質言之。毛氏不察先儒多主紀年。但據史記以攻朱注。然則惠王在位三十六年及身之時。安得有喪地于秦七百里。是與本文亦不合矣。毛氏又言惠王時魏割河西地以和。是割非獻。不

知割與獻同一義地也。至于八邑七邑或傳寫之誤耳。

齊人伐燕

梁惠王篇

集注按史記燕王噲讓國于其

王事與史記不同已見序說

齊人伐燕

公孫丑篇

集注當以梁惠王下篇十章十

毛氏曰此兩時兩事兩齊王兩伐燕而趙岐孫奭俱不知乃

朱氏又認作一事疑孟子與史記不合欲改梁惠篇之十章

十一章必置之沈同私問之後則于燕世家前後文總不曾

見以致認潛王作宣王移燕昭王爲燕易王諸書既焚六國

且混沌矣不知孟子兩至齊其梁惠篇伐燕則孟子初至齊

爲齊宣王。燕世家云。文公卒。子易王立。齊宣因燕喪伐我。取十城。所謂伐之取之也。旣而聽蘇秦之說。歸燕十城。且重立燕王。所謂置君而去之。此一事也。公孫丑篇伐燕。則孟子再至齊。爲齊湣王。燕世家云。燕易王卒。子噲立。屬國于子之。國大亂。孟軻謂湣王伐燕。此文武之時。不可失也。王因令章子伐燕。燕王噲死。子之亡。二年。燕人立太子平爲燕昭王。而畔齊。此又一事也。後二十八年。燕昭王伐齊。湣王走死。則孟子去齊久矣。事有千餘年未明。而至今始發者。大昌按此。則毛氏鵠突而武斷之甚者。考齊伐燕子噲事。孟

子以爲宣王。史記以爲湣王。溫公通鑑因移湣王前十年爲宣王之年。以合孟子之說。然燕人畔。尚在此十年後。則仍屬湣王矣。若閻氏百詩欲將燕世家所載燕王噲及立太子平爲昭王等事。移在前十數年。當齊宣王之時。以合孟子亦屬臆斷。趙氏耘菘亦駁史記。此皆與溫公不從史記者也。惟朱子語類有云。荀子亦言湣王伐燕。則非宣王明矣。想因湣王後來不好。門人爲孟子諱。故改爲宣王耳。近錢氏辛楣養新錄。極取寶應王子中之說曰。孟子書所言齊王。皆湣王。非宣王也。湣王初年。與秦爲東西帝。故謂以齊王猶反手。孟子去

齊時距湣王之亡廿五六年。後來傳孟子者。改爲宣王爲孟子諱。而寔無庸諱也。此則與朱子同主史記者也。按昔人亦有謂孟子先游齊。後游梁。復來齊者。故今以孟子爲兩次至齊。以伐燕爲齊湣王。未嘗不可。獨毛氏以梁惠篇伐燕爲宣王。公孫丑篇伐燕爲湣王。分作兩人兩事。則必有不可者。今斷以兩篇所記伐燕。必是一時一事也。何則。燕世家云。子之南面行王事。三年國大亂。將軍市被攻子之不克。反攻太子平。市被敗死。數月死者數萬人。百姓離志。齊湣王因令章子伐燕。士卒不戰。城門不閉。燕君噲死。齊大勝。子之亡。按此正。

孟子所謂民以爲將拯已于水火之中故簞食壺漿以迎王師者也是時齊旣勝燕不爲立君謀欲取之不聽孟子水深火熱之諫而竟毀其宗廟遷其重器此諸侯所以謀救燕而孟子復勸其速出令爲燕置君也王又不聽此燕人所以畔而昭王乃厚幣招賢以謀報齊故兩篇伐燕誠爲一時一事從無異說而毛氏于梁惠王篇伐燕忽欲以燕世家所載易王初立齊宣伐燕取十城當之以別于公孫丑篇伐燕爲齊湣王者分作兩人兩事不知燕易王時齊宣伐燕所取者十城耳安得震驚而稱曰以萬乘之國伐萬乘之國五旬而舉

之乎。且又曰。不取必有天殃。而孟子亦以取之而燕民悅不  
悅爲沮其謀乎。又安得有毀其宗廟遷其重器之事乎。蓋是  
時蘇秦方合六國之從。故勸齊歸燕十城。宣王卽從之。世家  
此段。並無重立燕王語。燕非無王。何用重立。此重立燕王四  
字。則毛氏所增。以牽合于置君而去。毛氏著說每多此病毛氏自誇爲  
事有千餘年未明。而至今始發者。惡知其不值識者之一笑  
乎。

駁毛西河四書改錯卷十二

婺源戴大昌

典制類

千乘之國

集注千乘諸侯之國其地可出兵車千乘者也朱氏曰乘車之制疑馬氏爲可據馬說入

百家出一乘包說八十家出一乘一乘甲士三人步卒七十二人牛馬兵甲芻糧具焉恐非八十家所能給也

毛氏曰周制失傳言人人殊宋儒既不讀書乃論語開卷一

典故一分不曉格物安在查此千乘舊注似馬融包咸兩說

俱錯然寧取包注者古侯國百里以開方計之則方百里者

萬里也方一里爲井每井八家則萬里實有萬井八萬家而

包注據公羊說謂軍賦十井不過一乘公侯封百里當有千



乘伯七十里。便降爲四百九十乘。子男五十里。祇二百五十乘耳。故侯國千乘。其數恰合。若馬注則據司馬穰苴所著司馬法爲言。謂百畝爲井。井十爲通。通十爲成。成出草車一乘。則是百井出一乘。與包注之十井一乘。已增十倍。所云侯國有萬里萬井者。核之不過得百乘耳。經明云千乘之國。而祇以百乘解之。而朱氏猶曰馬說爲可據。則直茫然不懂矣。特包氏說亦非是者。古者國地不盡井。井地不盡賦。百里之國。必去官城都邑陂池園囿山川沈斥廬廬徑遂三千六百餘井。又去三鄉三遂都邑邊鄙。但任役而不征稅者三千七百

餘井。其任車賦者。止十之三耳。以三千未盡之井。而十井一乘。則三百乘尚不足。可以之當千乘乎。乃若馬氏說。但據司馬法。金非周禮。其直據周禮者。獨鄭康成有之。金非馬融。然亦總非是者。周禮戰國人書耳。曷足據乎。

按此制在春秋傳昭五年。論晉車賦有云。十家九縣長轂九百。長轂者兵車也。是一縣出車一百乘矣。又云其餘四十縣遺守四千乘。是十縣可出一千乘。乃考之周禮小司徒注。則四甸爲縣。縣方二十里。實得二千井一萬六千家。計之約二井十六家。共出一車。而牛馬甲士皆不在內。則以百里計之。

不及十國之三。而千乘已備具矣。此真策書本文。較之公羊  
司馬法之見經注者。頗爲可信。子故痛諸說之謬。而并及之。  
大昌按包氏以十井出一乘。每井八家。則十井者是爲八十  
家。出一乘耳。毛氏謂以開方計之。則方百里者。萬里也。方一  
里爲井。每井八家。則萬里者。寔有萬井。八萬家。包以十井出  
一乘。是爲八十家。出一乘。正合此數。不知大國地方百里。奚  
止萬井。奚止八萬家。蘇秦言臨淄之中。七萬戶。夫一都城有  
七萬戶。豈大國四封。僅八萬家乎。此亦顯然易辨者。提封萬井乃百  
乘之家若據漢書刑法志所言。諸侯提封十萬井。計之十萬井。

則當有八十萬家。卽以實出賦六萬四千井計之。亦當有五十一萬二千家。是方百里者。固非僅萬井八百家也。明矣。次仲云。漢書刑法志所載乃古司馬法與齊將穰苴司馬法是爲兩書。毛氏亦未知。惟馬注一成出一乘。一成百井。每井八家。是爲八百家出一乘也。開方之法。方百里者得三百十六里有奇。正合漢書刑法志一封三百一十六里。提封十萬井。實出賦六萬四千井。戎馬四千匹。兵車千乘之說。自較包說爲可據。今毛氏因朱子頗主馬氏。則必謂寧取包氏以相攻詰。而又自言包氏所據亦非是者。謂其說雖三百乘尚不足。安能有千乘。不亦自相刺謬乎。邢疏證以開方

之法後儒因謂馬包之說合一  
其論亦非詳見四書問答前編

至毛氏解千乘則据昭五年左傳云十家九縣長轂九百是一縣一百乘也其餘四十縣遺守四千是十縣一千乘也此則真鶻突而武斷之甚矣蓋晉自作州兵作三行作五軍其法屢變舊制惡知其所謂縣者果卽周禮四甸爲縣之縣乎乃據此計算以爲二井十六家共出一乘不亦大悖先王之法乎且遼啟疆所言晉之車乘第詭以對楚靈原非必實數而毛氏第據此以爲較之他書頗爲可信其所見鄙悖如此而猶議人茫然不懂乎

鬯鐘

集注新鑄鐘成而殺牲取血以塗其鬯隙也

毛氏曰鬯是血祭名。古凡造宮室器皿。必血祭以饗其成。謂之鬯禮。故周官大祝隋鬯。或作塗血。或作薦血。總是血祭。其後俗注始兼有血塗鬯隙之說。禘記成廟則鬯之。豈有以血塗廟屋隙者。故禮曰鬯者。所以交于神明之道也。今注塗鬯隙。而于血祭薦血。反不一及。是全不知有鬯禮者矣。况鬯禮祇用羊犬豕豚。今齊用牛。是戰國變禮。亦須注明者。大昌按毛氏但欲攻朱注。而實于鬯義未考之詳矣。按鬯之義有三。周禮雍人鬯廟。鬯門夾室。小子鬯社稷五祀之壇。墀。

圉師。鬯。廐。司。約。鬯。藏。約。之。戶。解。者。謂。爲。祓。除。不。祥。此。孫。疏。所。謂。厭。變。怪。禦。妖。鬯。之。說。則。毛。氏。所。引。成。廟。則。鬯。之。鬯。者。所。以。交。于。神。明。之。道。也。江氏羣經補義亦謂鬯是祭祀之小禮又。大。司。馬。泣。鬯。軍。器。小。子。鬯。邦。器。則。是。血。塗。鬯。隙。使。完。固。之。義。此。趙。注。所。用。也。又。大。司。馬。鬯。主。龜。人。鬯。龜。太。史。鬯。龜。筮。天。府。鬯。寶。鎮。寶。器。此。則。取。其。膏。血。護。養。精。靈。之。義。也。今。鬯。鐘。爲。邦。器。故。朱。注。主。趙。氏。說。本。無。錯。且。周。禮。大。祝。隋。鬯。或。作。塗。血。或。作。薦。血。原。有。兩。解。毛。氏。旣。引。其。文。安。得。復。混。而。言。之。曰。總。是。血。祭。乎。

以皮冠以旃以旂以旌

集注庶人未仕之巨通帛曰旃士謂已仕者交龍爲旂折羽而

注之旂竿  
之首曰旌

毛氏曰孟子引齊景公事見春秋傳齊侯田沛招虞人以弓  
不進曰昔先君之田也旂以招大夫弓以招士皮冠以招虞  
人其言與孟子異古孤卿建旂故旂招大夫以上大夫聯孤  
卿也逸詩翹翹車乘招我以弓則弓本招士之具若孟子謂  
以旂招士則旂爲諸侯所建以旂招庶人則聘禮卿載旂是  
春秋傳可解而孟子無可解者此爲孟子解當據司常大閑  
文凡大閑必有諸侯卿大夫士及庶人顧士本有位惟諸侯  
得召之而侯車載旂故卽以旂招士孤卿可召庶人而卿車



載旃。故卽以旃招旅人。若大夫車載旌物。今仍以其物招之。亦尊大夫耳。庶爲田禮與閼禮可通証者。豈可注孟子而全不分曉如此。

大昌按孟子所言。與春秋傳周禮俱不合。毛氏謂春秋傳虞人百旃以招大夫。據司常言孤卿建旃。以上大夫聯孤卿也。故旃以招大夫爲可解。然司常掌九旗之物名。孤卿建旃。大夫士建物。通帛爲旃。雜帛爲物。則孤卿與大夫固有分矣。毛氏何得添出上大夫以強合之乎。又謂爲孟子解。亦當據司常大閼文。而譏朱注之不知考。而不知其仍不足據也。司常大閼言王

建大常諸侯建旂孤卿建旃大夫士建物師都建旗毛氏因  
謂士本有位惟諸侯得召之而侯車載旂故卽以旂招士然  
士謂指已仕者故可召則自大夫以上皆可召之毛氏何以  
云惟諸侯得召之而獨以諸侯所建之旂招士乎然則王國  
之士亦將以王之大常招之乎抑仍以旂招之乎且國之庶  
人則自君卿大夫誰不可召者毛氏又何以云惟孤卿可召  
庶人而獨以孤卿所載之旂招庶人乎毛氏又謂大夫載旌  
物今仍以其物招之是尊大夫然招士則以諸侯之旂招庶  
人則以孤卿之旂而招大夫則仍以其物又曷爲尊大夫乎

凡毛氏之說固全沒有分曉矣。抑知周禮一書孟子本未見。故言諸侯去籍莫聞其詳。卽所謂班爵祿嘗聞其畧者亦與周禮不合。想孟子亦非必憑空杜撰。而此言招庶士大夫者雖與周禮不相符。竊以司常贊大司馬頒旗物王建大常諸侯建旂孤卿建旒大夫士建物云云。乃各言其所自建以辨等威。若人君有事以招大夫士庶則不妨假借以尊寵之。如衛詩子子于旌千旌千旗用以招國中賢士可推。是以招庶人則以旒。士則以旂。大夫則以旌耳。閻氏百詩則謂庶人類而及其平日所招之物全非指田制以大夫士庶皆從公于狩不待招也。

若合符節

集注符節以玉爲之篆刻文字彼此各藏其半有故則左右相合以爲信也

毛氏曰符節不用玉周官掌節有玉節角節金節銅節竹節羽節卽旌節而玉節最尊惟天子諸侯有徵守治兵恤荒和難諸事始用玉節與命圭等以九命爲長短差次不惟不是符節兼無篆刻分合之數幾見命圭天子與侯國有各分半者况明曰符節則周官掌節與小行人皆曰門關用符節且曰以竹爲之注總錯耳附解符節無考舊皆以漢制解之漢書有郡守分符天子與卿守各分其半右留而左與之然是符不是節亦不是玉卽漢制亦半屬不合

大昌按周禮掌節共八節有玉節及符節而小行人有符節

則云以竹爲之。毛氏據以攻朱注。而不知其爲固也。毛謂玉節最尊。與命圭等。幾見命圭。天子與諸侯有各分半者。然舜典輯五瑞。顧命上宗奉瑁。考工記天子執冒以朝。諸侯先儒皆謂冒者。所以冒諸侯圭。以齊瑞信。則命圭未嘗不有所合。以取信也。文獻通考有云。後世有璽書印章。三代以前惟有圭璧與符節。封建則有圭璧。徵召則有符節。三者皆重器。故俱以玉爲之。卽毛氏所云。天子諸侯有徵守治兵恤荒和難諸事用玉節是也。卽漢世有銅虎符。竹使符。則符亦兼有銅與竹。毛氏乃以孟子所言。必是專指八節中之以竹爲之者。

豈非固乎。况趙注亦云玉節則朱注所本也。

### 刑政類

敬事而信三句

集注程氏曰此言至淺然果能此亦足以治其國矣聖人言雖至近上下皆通

楊氏曰此特論其所存而已未及爲政也

毛氏曰聖人立言不過舉其要者言之。大抵治國祇治事治人二端。敬事則事無不治。愛人則人無不治。復舉三大政一在約信一在節用一在時政。此有何流弊而又以爲其言淺近。引程楊諸說謂此特論其所存未及爲政。此皆周章無理之極至者。又云五者以敬爲主且刪去事字獨存敬字則直

是斥事爲廢功。用道學清班居官主教一大流毒。此聖學之禍。不可不察也。

大昌按毛氏以聖人立言。不過舉其要者。而此章朱氏自注。固云言治國之要在此五者。亦務本之意也。與毛氏說不相左矣。至其引程氏說。則猶有云。此三言者。若推其極。堯舜之治。亦不過此。其引楊氏則首曰。上不敬則下慢。不信則下疑。敬事而信。以身先之也。易曰。節以制度。不傷財。不害民。蓋修用則傷財。傷財必至于害民。故愛民必先于節用。然使之不以其時。則力本者不獲自盡。雖有愛人之心。而民不被其澤。

矣。朱子以二公有如此發明。故連類引之。今毛氏乃隱沒程  
楊所言之詳者。而獨標此數語。皆爲道學之流毒。可謂獄吏  
之文致矣。其居心可問乎。

使民以時

集注時謂  
農隙之時

毛氏曰。使民有使民之時。非農時也。考王制用民之力。歲不  
過三日。周官均人以鹽。凶較。公旬之政。况使民不止公旬。有  
使民耕。植刈。穫之時。有使民興築。樵採之時。有使民謹出入  
修橋道之時。故春秋傳曰。凡啟塞從時。正時字明注也。若農  
隙之時。則但以治兵言。蒐苗獮狩。皆于農隙。以講武事。孟子



駁四書改錯卷十二

當戰國好講武事故曰不違農時不奪農時今云時使而斤斤以農隙言錯矣

大昌按先王重農故曰農用八政周禮均人凡均力政豐年三日中年二日無年一日亦視農事而分春秋所書築城郭都邑時與不時無非重農事也孟子言不違農時彼奪其民時正時使注脚毛氏乃謂孟子當戰國好講武事故爲此言豈春秋時尚不列國兵爭乎故此句包注亦云作事使民必以其時不妨奪農務朱注謂農隙之時固包國家凡一切使民興作之事而講武亦在其內毛氏則曰非農時也開口便

錯

民信之矣

集注倉廩實武備修然後教化行而民信于我

毛氏曰民信是一政。不是政之效。與兵食絕不相關。故下文稱三者。若必兵食足而民始信。則二者矣。且亦惟絕不相關。故可去兵。又去食。若信由兵食。則兵食一去。而民信將并去矣。且亦不是民信于我。信之者。我有以信之也。

大昌按爲政之道。孔子言富之。而後教之。子路言使有勇。而。且。知。方。孟。子。言。使。有。菽。粟。如。水。火。而。民。焉。有。不。仁。者。乎。管。子。言。倉。廩。實。而。知。禮。節。毛。氏。何。得。謂。信。與。兵。食。絕。不。相。關。且。下。

文是子貢分作三者而問其孰可先去玩夫子此節語氣自  
是一串說下故講家謂信在兵食之中亦在兵食之外理自  
圓足且所謂去兵食而信不可去者此乃危急存亡之秋若  
夫子告子貢爲政常經自當籌食與兵兼施教化事則相連  
施有次第何得謂絕不相關也毛氏又謂不是民信于我信  
之者我有以信之也不知我有以信之者卽朱注所云教化  
行也

必不得已而去於斯三者何先曰去兵集注言食足而  
信字則無兵而

守固  
矣

毛氏曰。夫子言足兵。謂平日早立一足之之法。如司徒諸職。族師。遂人。各校。夫家之衆寡。可任役者。而邱甸諸長。則又簡井邑之車乘馬牛。可供賦者。及有事而司徒征徒庶。以旗致萬民。小司徒卽會萬民之卒伍。以赴軍旅。其鄉師以下各帥其夫役。簡其兵器。治其馬牛車輦。以受法于司馬。此無時不足者。萬一有凶荒。如子路所云。加之以師旅。因之以饑饉者。則在荒札時。固當大弛力征。卽強敵在境。惟移民通財。庶冀補救。故食政不去。而至于族師起徒。遂人較役。邱甸治車輦馬牛。凡會司徒而致司馬者。皆一概屏去。蓋食不足以養衆。

則析骸易子。聚益多累。反不若因民以守。所稱相保相比者。之足以自固。故曰去兵而未嘗于兵有去留也。兵不可去也。又非曰兵不足便是去也。兵無不足時也。

大昌按如毛氏說不得已。不過是值師旅饑饉。其解去兵謂兵本無不足。但是族師不起徒。遂人不較役。邱甸不治其車輦馬牛。不會于司徒。不致于司馬。殆不過有兵而不用耳。夫使兵本無不足。而偶值有師旅饑饉。豈遂謂爲不得已時乎。蓋子貢所謂必不得已者。乃兵食俱不足。而人心未固結之時。故必須結民心。而先謀足食。若兵且徐圖耳。原非謂有兵

而去之也。若如毛氏說兵本無不足。但有兵而不用。卽爲去兵。則下節言去食。豈亦是食本無不足。而聖人何以輒曰自古皆有死乎。是不可通矣。

敬事而信

集注敬其事而信于民也

毛氏曰信于民大錯。信是君信不是民信。此與與國人交止于信。民信之矣。上好信。恭寬信敏惠。信則民任焉。君子信而後勞其民。皆同。而集注皆謂是信于民。並不注信字實義。一似信是爲政之效。則信字亡矣。不知此信字原有傳命實劑。要會諸政。且信是與仁義禮智爲五德。同有本體。有功夫。至

施之爲政。又有作用。何曾是效。

大昌按仁義禮智信五德。惟信字可彼此通言。如易大有六五。厥孚交如。益九五有孚惠心。有孚惠我德。皆言上下相應之義。故夫子告子張。旣曰恭寬信敏惠。又曰信則民任焉。固是卽效以表德也。又如朋友有信。友能信乎我。必我先能信乎友。故曰所求乎朋友。先施之未能也。所謂信于民者。義正如此。毛氏謂此是君信。不是民信。不知朱注信于民者。正指君信而言。何反謂其大錯乎。且毛氏前于民信之矣。一條謂信之者。我有以信之也。以朱注解作民信于我爲錯。然則此

節朱注云信于民者即毛氏所謂我有以信之也何又謂其大錯豈非務攻朱注而不顧其自相矛盾乎毛氏又云施之爲政又有作用作用二字亦非醇儒治術

辟草萊任土地

集注辟墾也任土地謂分土授民使任耕稼之責如李愬盡地力商鞅開阡陌

之類是也

毛氏曰此本二事墾草萊是盡民力任土地是盡地力兩各不同今辟草萊不注而任土地則反曰分田與民使任耕稼則以任屬民非任土地矣其曰李愬盡地力則見漢食貨志尚有李愬爲魏文作盡地力之教若商鞅開阡陌則直是變



法改井畫而阡陌之與任地何涉。

大昌按草萊山野各處有之。先王不以畫井授田。使民有餘利。可以種牧也。戰國時一切墾辟之以授民。使任耕稼供賦稅。利歸于上。故孫疏謂辟草萊而任土地。可見二語原是一串事。毛氏何得謂此本二事乎。且如閒民轉移執事。餘夫則別受田。指人而言。則可謂無曠民力。今第曰辟草萊。並不指屬何人。毛氏何以將辟草萊爲盡民力。任土地爲盡地力。謂兩各不同乎。又田間阡陌有縱有橫。其地甚寬。乃所以正經界者。商鞅慢其經界。盡開之以爲田。使民耕稼。正與辟草萊。

同意。卽李。愼。盡。地。力。之。說。也。毛。氏。乃。謂。與。任。地。何。涉。胡。茫。然。  
不。懂。乎。且。開。阡。陌。者。開。阡。陌。之。地。以。爲。田。也。毛。氏。乃。云。敗。井。  
壟。而。阡。陌。之。亦。不。成。語。眞。是。憤。憤。矣。

駁毛西河四書改錯卷十三

記述類

論語學而篇

程子曰論語一書  
子之門人教二人特以子稱

毛氏曰論語作于二子之門人在唐柳子厚早有是說要是無據之言且柳不專以稱子爲辭從來子思不姓曾子不字諸書盡然幾見禮記家語等書有稱曾與者若有子則未知何字

大昌按柳子厚稱論語作于曾子有子之門人毛氏安知其必無據唐時所有書籍于今果盡存乎程子以論語中所載

弟子之言首及二子而又皆以子稱故爲是言朱子因載之  
論語序說未爲害理集注卽如序說首載史記孔子世家叙  
列孔子一生事迹又安知史記所編次者果一一無訛蓋亦  
聊備學者參考焉耳

### 章節類

君子不重則不威學則不固主忠信三句

主忠信三句

子罕篇集注重  
出而逸其半

毛氏曰此分章錯者君子不重十一字爲一章主忠信三句  
自爲一章此本子罕篇文而復簡于此者今既注重出乃不

注之不重章而反注之子罕篇以致威重與忠信上下相承處齟齬不接。或以忠信爲威重之基。或以取友改過爲固學之地。總無是處。此錯注也。

大昌按學而子罕篇次有先後。今主忠信三句既見于學而篇又見子罕篇。故曰重出。此本邢疏之文。金非朱子所增。子罕篇主忠信三句。邢疏云學而篇已有此文。記者異人故重出之。毛氏何得不明先後而議朱注。既注重出。不于學而篇反注之子罕篇乎。且毛氏又何以知主忠信三句必爲子罕篇文。而複簡于學而篇乎。若以主忠信三句當另爲一章。則尤不然矣。予以四教文行忠信重

而有威則行也。學而能固則文也。曷爲與忠信不接。至于取友。改過。又所以弼成四教也。自漢唐諸儒俱無異說。而毛氏敢武斷如此。尚議朱注分章之錯乎。

不在其位不謀其政

泰伯篇

不在其位不謀其政

重出

曾子曰君子思不出其位

憲問篇

集注記者因上章之語而類記之也

毛氏曰既云因上章之語而類記之而上章非重出矣。此本是一章。其記曾子言者。以曾子聞子語時特引子象詞以証明之。與牢曰子云同一例。其在泰伯篇則複簡也。今注重出。

又不注之泰伯篇而反注于憲問篇以致曾子引經不解何意又一錯注也。

大昌按古本憲問篇此兩節共爲一章。朱注于上節但云重出重出者金非衍文可比。故朱注于下節又云因上章之語而類記之也。朱子凡于重出者皆仍其文金不刪去惟講章家則于四書重出者一切無有矣毛謂不注重出于泰伯篇而反注之憲問篇其義已見主忠信一條不復再論。

禮之用二節。程子曰禮勝則離樂勝則流

毛氏曰此分節錯者禮之用和爲貴先王之道斯爲美禮樂

本同源也。此一截也。小大由之。有所不行。苟細行瑣屑。過于拘曲。則窒而不行。禮勝則離也。此又一截也。知和而和。不以禮節之。亦不可行也。若專于和不事樽節。則過通亦不可行。樂勝則流也。又一截也。舊注不分節。而疏義盡截如此。集注旣引禮勝則離八字。而又以小大山之分屬上作一節。不矛盾乎。

大昌按程子固云。禮勝則離。故禮之用。和爲貴。先王之道。以斯爲美。而小大由之。樂勝則流。故有所不行者。知和而和。不以禮節之。亦不可行。此朱注所引。故用其說。分兩節。金無矛。



盾也。今毛氏分作三截。其解中一截小大由之有所不行。則謂苟細行瑣屑。過于拘曲。則窒而不行。是但切小字。而于大字無着。則小大由之句。仍解不去矣。毛氏謂疏義本畫分三截。但邢疏解中二句云。每事小大皆用禮。而不以樂和之。則有所不行也。其說須添不以樂和之作一轉。而有子本文語氣固無是也。則曷若程朱分兩截。以有所不行作呼下語氣之自然乎。

德行節

程子曰四科乃從夫子于陳蔡者耳

毛氏曰此與上從陳蔡另作一章。按史記弟子傳于受業身

通者七十二人皆異能之士。下卽接德行顏淵此段。則是統記七十二人中之最異能者。非從陳蔡人也。從陳蔡一時顛沛焉得奇材異能。皆與其間。況此時冉求正仕魯。則此一人顯然不從陳蔡。故康成以此節與前節不連爲一章。隋時皇氏亦曰此記者別記一節。非無據也。

大昌按上節何注用康成說。弟子從我厄陳蔡者。皆不及仕進之門。而失其所。朱注謂此時皆不在門與鄭說異此德行節。邢疏則言弟

子失所不及仕進。遂舉弟子中才德尤高可仕進之人。金云鄭氏以合前章是邢疏正用康成合一章之說也。毛氏乃謂

康成以此節與前節不連爲一章。又是改前人說以就已說矣。邢疏兼載皇氏說別爲一章。故又疏云。夫子門徒三千達者七十而四科。惟舉十人。但言其翹楚者爾。或時在陳言之。惟舉從者。其不從者雖有才德亦不及也。邢疏雖兼存兩說。仍以從陳蔡爲主。故程子亦謂四科乃從夫子于陳蔡者爾。門人之賢固不止此。曾子傳道而不與焉。故知十哲世俗論也。朱注因而從之。毛氏必議其分章之錯。安見爲定論乎。

必有寢衣長一身有半

集注齊主于敬不可解衣而寢

衣其半蓋以爲足

程子曰此

錯簡當在齊必有明衣布之下

毛氏曰。此以敗經而兼改禮。并改章節。尤當急正者。古禮衣  
長。無被土。且連裳爲之。續衽鉤邊。今不知有裳與否。乃以身  
半之衣。繫戾足下。旣不能衣之就寢。亦不能寢而衣之。于是  
有跣解者。曰。長祇身半。是半截之衣。則不特壞經。壞禮。并古  
訓例亦壞盡。古有字俱作又字。一身有半。是長身而又半之。  
非半身也。不知寢衣是被。孔安國曰。寢衣。今之被也。說文曰。  
被。寢衣名。其曰衣者。以衣本被字。康誥衣德言。繫辭厚衣之  
以絮。皆被之義。故衣本象形。下覆兩人。夫世有一衣而可  
覆二人者乎。一衣覆二人。非被乎。特又分衣被者。曰衣者。晝

之被被者夜之衣也。

然則誰無寢衣。曰必有何也。曰非必有寢衣。謂必有寢衣之長一身而又半者也。寢衣所同。長身而過半。則子所獨也。猶上文褻裘所同。褻裘而短其右袂。則子所獨也。一短一長。連類記之。今錯解寢衣。竟改移此節于齊。必有明衣之下。且云以類相從何耶。

大昌按寢衣。既據孔注。說文作被。則此節必須作錯簡。然後能解。而毛氏未察也。而毛氏之說。尤有可啞然者。其曰衣本被字。故衣是象形。下覆兩人。其解長一身有半。亦謂必有寢

衣之長一身而又半者也。夫既謂衣卽是被。象形爲覆二人。然被長一身而過半。則不便于覆二人矣。豈夫子自少至老。畢生必獨宿乎。不知寢衣名被。而衣則非被。康誥衣德言繫。解衣之以薪。衣皆讀去聲。毛氏何得謂衣者。晝之被乎。且毛氏又謂被者。夜之衣。亦解作長一身而過半。則與朱注別有。寢衣其半。蓋以覆足者。亦無異。何以又議朱注。改經而兼改。禮乎。曷以見其必爲錯簡也。凡人寢。誰無被。惟當齊則別。其居處如王者。則有齊宮。祭統君致齊于外。夫人致齊于內。祭義及其將齊也。防其邪物。訖其嗜欲。故夫子當致齊而寢。

必。別。有。此。長。一。身。有。半。之。被。亦。猶。齊。之。別。有。明。衣。所。以。異。于。  
平。日。也。若。毛。氏。但。云。寢。衣。之。長。一。身。有。半。猶。褻。裘。之。短。右。袂。  
一。短。一。長。連。類。而。記。則。記。者。當。第。云。寢。衣。長。一。身。有。半。可。矣。  
何。故。云。必。有。寢。衣。乎。必。有。云。者。不。常。有。之。辭。也。正。與。必。有。明。  
衣。必。變。食。必。遷。坐。數。語。相。連。特。爲。致。齊。而。設。可。知。余。故。非。護。  
集。注。者。而。此。節。之。必。當。從。錯。簡。無。疑。矣。至毛氏所議強解爲  
半截之衣朱注本無  
說是

作者七人矣

毛氏曰舊以此與賢者辟世四句合作一章信此則程氏以

作者之謂聖。強以義軒及堯舜七人實之。爲非是矣。

大昌按以此合上節此康成之說。伯夷叔齊虞仲爲避世。長沮桀溺荷篠丈人爲避地。柳下惠少連爲避色。荷蕢接輿爲避言。則添出三人。而以七爲十字之誤。亦未知的。否正蒙則云作者七人。伏羲神農黃帝堯舜禹湯。是以作爲述作之作。此外則猶有包咸謂長沮桀溺丈人石門荷蕢儀封人接輿七人也。王弼又謂卽指微子篇逸民等七人也。四說不同。何用包氏說。朱注第載李氏盲隱去者。今七人謂必求其人以實之。則鑿矣。亦未載正蒙之說。而毛氏特取而辨論之。何耶。



子曰吾說夏禮節

王天下有三重焉章

章句呂氏曰三重謂議禮制度考文

毛氏曰舊本子曰吾說節合王天下爲一章以三重是德位  
時見陸氏釋文聖人其德也。夫子其位也。今天下其時也。夏商非  
時矣。呂氏三重本錯注也。

三重鄭注爲三王之禮固謬。若呂氏以議禮三事當之。則官  
府制作與保氏書教皆在周禮六官中。安得與議禮相峙而  
三。若不敢作禮樂。則又有樂。將四重矣。况此從禮儀威儀來。  
專重禮教。安容襍及。又寡過者。正謂不自用不自專。災不及

身也。乃謂人得寡過。未有民物信從而講伯玉寡過之學者。  
大昌按上章雖有其德節。祇言德與位兩項。第迴應首節愚。  
而自用賤而自專二句耳。必須合吾說夏禮節方應生乎今。  
之世。反古之道一層。此朱子所以不從古本分章也。毛氏既  
爲德位時似不應議朱子分章之錯。况三重必有不可從。陸氏訓作德位時者。  
何則。既曰王天下則位與時已有之矣。惟德之有無未可必。  
當。但曰王天下有一重焉。德是也。何以曰有三重乎。且三重。  
若不指議禮制度考文而指德位時。則下文本身徵民六句。  
俱無着落矣。毛氏又謂官府制作。保氏書教俱在周官中。不

當與禮分而爲三。若然則子思當第曰：非天子不議禮，可矣。何又曰：不制度，不考文乎？蓋此亦如謹權量，審法度，修廢官，雖皆具周禮一書，而未嘗不分爲三也。毛氏謂此從禮儀威儀來，專重禮教，安容襍及以明制度考文，不可。金禮若然，則康成訓三重爲三王之禮，爲可從矣。毛氏何亦謂其謬乎？按吳氏草廬中庸綱領，以愚而好自用，至蚤有譽于天下者，也爲一章。

書云孝乎惟孝

集注書云孝乎者言書之言孝如此也

毛氏曰：此句讀錯者，包咸云：孝乎惟孝，美大孝之詞，則孝乎。

不句。若其解則如記云禮乎禮。漢語肆乎其肆。皆甚至語。乃自漢晉以迄于宋。凡引論語文皆如此讀。歷千百年如一轍。自朱注改讀而少見多怪。反以惟孝之句爲腫背馬矣。附解字則有必不可句者

大昌按毛氏謂孝乎惟孝截句。自漢唐迄宋千百年來。凡引論語文皆如此讀。是誠有之。竊以今君陳篇乃東晉梅氏僞古文尚書。而伏生今文所無也。僞古文此篇首則曰惟爾令德。孝。孝。惟孝。友于兄弟。克施有政。鄙見則疑秦以前尚書與孔壁真古文尚書本係惟爾令德。孝乎惟孝。友于兄弟。克施

有政。皆以四字爲句。故夫子引此。亦云孝乎。惟孝。猶記云禮乎。禮。漢語肆乎其肆。本有禮乎。肆乎二字也。否則夫子既引書云。當直舉惟孝。友于兄弟。不必添出孝乎二字矣。若朱注第據今僞古文。是孝恭。不是孝乎。故以書云孝乎截句耳。此亦從未有揭出者。但朱注以孝乎截句。雖與古異。亦無害理。而毛氏大聲攻之。此編屢言之附解且謂自來乎字。則有必不可句者。則卽論語中參乎。使乎。使乎。亦自有矣。毛氏固以僞古文尚書爲真者。何又自矛盾。

揖讓而升。下而飲。

集注揖讓而升者。下而飲者。

毛氏曰如此則揖讓屬升。飲屬下。大無理矣。揖讓祇屬升。則于下于飲時。全不揖讓。已自乖錯。若以飲屬下。則飲在堂下。將小射正命不勝者升階。取解于豐上而飲之。將作何解。且禮文明曰升飲而乃曰下飲可乎。况論語王肅注此則云。此七字連作一句。又射義鄭注則揖讓而升下五字作一句。而飲二字又句。今朱注于前儒句讀俱蕩然矣。不止錯矣。大昌按王肅注此則七字作一句。射義鄭注則以上五字爲句。而飲二字又句。是皆然矣。但朱注分句亦非出自已意。按賓之初筵詩以祈爾爵。鄭箋云射之禮勝者飲不勝可以養。

病也。故論語曰：下而飲其爭也。君子此則朱注所本也。若毛氏以朱注下而飲分句，遂謂于下于飲全不揖讓，又謂是飲于堂下，則與禮文凡曰升飲者俱不合。則毛氏自乖舛矣。朱注云：下而飲者，謂射畢揖降以俟衆耨皆降勝者乃揖不勝者升取解立飲也。是朱注固明言揖讓明言升飲也。

懷其寶而迷其邦二段

集注直據理答之不復與辨

毛氏曰：懷寶迷邦兩問兩答。若皆陽貨與夫子爲主客，則日月逝矣二句下何以重着孔子曰善讀書便當着眼。此惟郝京山解此極當。郝云：前兩曰字皆是貨口中語，自爲問答以

斷爲必然之理。至孔子曰以下。纔是孔子語。孔子答語祇此耳。故記者特加孔子曰三字以別之。千年夢夢。一旦喚醒。可謂極快。郝氏解多武斷。惟此極當。

大昌按郝氏此說亦屬有見。但郝是明儒。則在朱子後矣。毛氏謂郝解經多武斷。何其燭于人而闇于己乎。且使此解若出自朱注。則毛氏又必如書云孝乎。謂千百年來俱未有此大聲而疾呼矣。

不及貢以政接于有庫。集注謂不待諸侯朝貢之期。而以政事接見有庫之君。

毛氏曰。旣云不待朝貢。又云以政事接見。不可解。虞書五載。



一朝三載考績。既不朝貢焉。較政績。况使吏治國。則與政尤不相涉。故今八比家。則直合九字作句。與集注反。據本文不及貢以政。自是五字句。以者與也。若據趙注。則謂尚書逸篇之詞。以不及貢三字句。言不待朝貢而來。一若以政事見諸侯者。貢是實字。政是假詞。此亦未必然者。使集注有識。則直以政截句。否則一從注疏。尚有未恰。而乃依違胡哭。全屬首鼠。天下有是注法乎。則不止錯矣。

大昌按趙注。以不及貢截句。其解下句。謂若天子以政事接見有庫之君耳。今講章。則以不及貢至有庫九字作一句讀。

毛氏所謂八比家也。毛氏則謂不及貢以政五字爲句。以者與也。因謂朱注之依違胡突。不止于錯。不知講章之說。卽用朱注之解也。何謂相反。蓋諸侯朝于天子。曰述職。故朝貢之期。卽所謂以政事接見也。朱注原以趙岐說爲未妥。故改作謂不待諸侯朝貢之期。而以政事接見有庫之君。二語須作一氣讀。凡而字可作轉語。可作順承。文家原有兩用。故朱注之說。卽講章九字作一句讀。正不必如毛氏以五字爲句。須將以字解作與也。